



14.12.2011. Razgovor sa direktorom firme „ Tvornica alata Goražde“ gosp. Enizom Varnicom o trenutnoj problematici vodio je sekretar Udruženja poslodavaca Adnan Bukva.

Udruženje poslodavaca: Recite nam kakva je trenutna situacija u firmi“ TAG“ i koji su najveći problemi s kojima se suočava ova firma?

Eniz Varnica: Pošto je ovo već završetak godine, osjeća se smanjenje obima narudžbe od naših stalnih poslovnih partnera. Najveći problemi s kojim se suočava ova firma su pored nedostatka posla u pogonu mašinske obrade velika dugovanja iz predhodnih godina, koje mi moramo sad servisirati iz tekućih prihoda da bi održali proizvodnju, vraćali dugove i plaćali obaveze prema radnicima, kojih trenutno imamo 77. Mi smo aplicirali po posljednjem Javnom pozivu za nabavku CNC struga, kako bi na taj način pokušali da budemo konkurentniji na tržištu.

Udruženje poslodavaca : Koji bi bili Vaši prijedlozi za unaprjeđenje poslovnog ambijenta u BPK Goražde?

Eniz Varnica: Po mom mišljenju treba se vratiti u razvoj metaloprerađivačkog sektora, s obzirom da ovaj kanton ima dugogodišnju tradiciju u metaloprerađivačkom sektoru. Naruku nam ide činjenica da imamo tehničke škole, sad imamo i mašinski fakultet, tako da što se tiče stvaranja ambijenta za kvalifikacionu strukturu radne snage, nebi trebali biti ugroženi. Zato bi dok ne izađu prve generacije trebalo osmisliti neke nove projekte.

